



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**EXERCITIA || SPIRITVALIA || IGNATII DE || Loyola.||**

**Ignacio <de Loyola>**

**Mogvntiae, 1600**

**VD16 I 56**

Additiones ad exercitia melius agenda.

**urn:nbn:de:hbz:466:1-45165**

*ADDITIONES AD EX-  
ercitia melius agenda, & ad ea quæ  
optantur, innuenienda,  
perutiles:*

**P**RIMA est: ut ego, post cubitum,  
ante somnum, modico temporis  
spacio, quo recitaretur semel an-  
gelica salutatio \* cogitem de hora,  
qua surgendum mihi erit, & de exer-  
citio faciendo.

**S**Ecunda: vt expergefactus, statim  
exclusis omnibus aliis cogitationi-  
bus, animum ad illud applicē, quod  
in primo mediae noctis exercitio  
contemplaturus sum: Utque, maio-  
ris verecundiæ, & confusionis gratia,  
exemplum mihi huiusmodi propo-  
nam: Quomodo miles aliquis staret  
coram rege suo & cœtu aulico eru-  
bescens, anxius & confusus, qui in re-  
gem ipsum, acceptis ab eo prius be-  
neficiis donisq; plurimis, ac magnis,  
grauiter deliquisse conuictus esset.

\* b

In se-

In secundo itidem exercitio; reputans quantum peccauerim, fingam me catenis vincatum esse, ac protinus sistendum coram summo iudice sicut mortis reus quispiam, ferreis ligatus compedibus duci ad tribunal solet. His igitur, vel aliis, pro meditandarum rerū genere, cogitationibus imbutus, vestitu meo me induam.

**T**ertia: vt à loco futuræ meditationis, uno, vel gemino adhuc passu distans, per tantillum tempus, quo percurri oratio Dominica posset, animo sursum eleuato, considerem Dominum meum I E S V M, vt præsentem, & spectantem; quidnam acturus sum; cui reuerentiam cum humili gestu debeam.

**Q**uarta est: vt ipsam aggrediar cōtemplationem, nunc prostratus humi, & pronus, aut supinus iacens; nunc sedens, aut stans, & eo me componens modo, quo sperem faci-

lius id

lius id consequi, quod opto. Vbi aduerti hæc duo debent: Primū, quod si flexis genibus, vel in alio quoquis situ, voti compos fiam, nil requiram vltra: Secundum, quod in puncto, in quo assecutus fuero quæsitam deuotionem, conquiescere debeo sine transcurrendi anxietate, donec mihi satisfecero.

**Q**VINTA: ut completo exercitio sedens, vel deambulans, per quartam circiter horæ partem, mecum dispiciam, quoniam modo meditatio, seu contemplatio mihi successerit. Et si quidem male; inquiram causas cum pœnitudine, ac emendationis proposito: sin vero bene, gratias D E O agam, eundem postea modum obseruaturus.

**S**EXTA: ut cogitationes quæ gaudium afferunt; qualis est de gloriofa C H R I S T I resurrectione, subterfugiam: quoniā talis quelibet cogitatio impe-

impedit fletum, & dolorem de peccatis meis, qui tunc quærendus est; adscita potius, mortis vel iudicij recordatione.

**S**eptima, ut eandem ob causam, omnime priuem lucis claritate, ianuis ac fenestris clausis tantisper, dum illic moror, nisi quandiu legendum aut vescendum erit.

**O**ctaua, vt à risu, verbisque risumi prouocatibus, maximè abstineam.

**N**ona, vt in neminem oculos intendam, nisi salutandi aut valedicendi poscat occasio.

**D**ecima, ut aliquam addam satisfactionem, seu pœnitentiam. Quæ quidem in interiorem & exteriorem diuiditur. Interior est, dolor de propriis peccatis, cum firmo proposito cauendi, tum ab illis, tum ab aliis quibusvis in posterum. Exterior autem, est fructus interioris ; videli-

cet